



Najavljena posjeta parlamentarnog vojnog povjerenika BiH 6. pješadijskoj brigadi Operativne komande Oružanih snaga BiH

Parlamentarni vojni povjerenik BiH (u daljnjem tekstu: vojni povjerenik) je, na traženje profesionalnih vojnih lica iz kategorije podoficira, boravio 7.6.2016. u najavljenoj posjeti 6. pješadijskoj brigadi Oružanih snaga BiH, kasarna „Kozara“, Banja Luka.

Ovom prilikom vojni povjerenik održao je sastanak s grupom podoficira nivoa voda, čete i bataljona, a sastanku su prisustvovali: general-major Dragan Vuković i brigadni general Radovan Ilić. Predmet razgovora bilo je reguliranje prava na ostvarivanje položajnog dodatka iz člana 9. postojeće Odluke Vijeća ministara BiH o posebnim dodacima na plaću za profesionalna vojna lica u Ministarstvu odbrane BiH i Oružanim snagama BiH, broj: 213/08, od 3.12.2008. (u daljnjem tekstu: Odluka 213/08).

Vojni povjerenik upoznao je prisutne s dosadašnjim aktivnostima usmjerenim na poboljšanje statusa podoficira, te naglasio da podržava podoficire u njihovom zalaganju za poboljšanje statusa ove kategorije profesionalnih vojnih lica u sistemu Oružanih snaga BiH, a posebno u pogledu ostvarivanja prava na položajni dodatak.